

Ҳадис дарслари (208-дарс) Ёш болаларнинг кийимга бавл қилиши ҳақида



00:00 / 08.12.2022 2496

????? ?????????? ?????? ?????? ?????? ?????? ??????:
?????? ??????? ?????? ?????? ?????? ?????? ??????????
?????????? ?????????? ?????? ?????? ?????? ???
????????? ?????? ?????? ?????? ?????????? ??????????.
????????? ??????????.

Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васалламга бир эмизикли гүдак келтирилди. У эса қўйниларига бавл қилиб қўйди. У зот соллаллоҳу алайҳи васаллам сув опкелтириб, унинг устидан қўйдилар», дедилар».

Муслим ривоят қилган.

Шарҳ: Оиша онамиздан қилинаётган бу ривоят аввалги дарсимиздаги ҳадисга ўхшаб кетади. Ораларидаги нозик фарқ шуки, биринчи ҳадисда «сепдилар» дейилган бўлса, иккинчисида «қуидилар» дейилмоқда. Албатта, сепиш билан қуийшнинг орасида фарқ бор. Қуийш умумийроқ бўлиб, ювишга яқинdir.

????? ??????????? ?????? ??????????? ?????? ??????
?????? ?????: ?????? ??????????? ??? ??????
?????? ?????? ?????? ?????? ?????? ?????????? ??????????
?????? ?????? ??????: ?????? ?????? ??????
?????????? ?????? ?????? ?????? ??????????? ??????:
????????? ?????? ?????? ??? ?????? ???????????
?????????? ??? ?????? ??????????. ?????? ??????
????????? ??????????? ???????????????.

Лубоба бинти ал-Хорис розияллоҳу анҳодан ривоят қилинади.

«Ҳусайн Расулуллоҳ соллаллоҳу алайҳи васалламнинг қучоқларида эди. Бас, у Расулуллоҳ соллаллоҳу алайҳи васалламнинг устиларига бавл қилиб юборди. Мен:

«Бирор кийим кийиб, менга изорингизни беринг, ювиб берай», дедим.

У зот соллаллоҳу алайҳи васаллам:

«Қиз боланинг пешобигина ювилади, ўғил боланинг пешобига (сув) сепилса бўлди», дедилар.

Абу Довуд, Аҳмад ва Ҳокимлар ривоят қилғанлар.

Бу ҳадиси шарифда Лубоба бинти Ҳорис розияллоху анҳо ўзлари Расулуллоҳ соллаллоҳу алайҳи васаллам иштирокларида шоҳид бўлган бир ҳодисани ривоят қилмоқдалар:

«Ҳусайн Расулуллоҳ соллаллоҳу алайҳи васалламнинг қучоқларида эди».

Бу ҳазрати Али ва Фотимаи Заҳроларнинг ўғиллари, Расули Акрам соллаллоҳу алайҳи васалламнинг набиралари Имом Ҳусайндир. Маълумки, Пайғамбаримиз соллаллоҳу алайҳи васаллам ўзларининг жажжи набиралари Имом Ҳасан ва Имом Ҳусайнларни жуда яхши кўрар эдилар. Уларни масжидга ҳам олиб чиқар, ўтирганларида эркалатиб, қучоқларида олиб ўтирас эдилар. Лубоба бинти Ҳорис розияллоху анҳо ўша ҳолатлардан бирини ривоят қилмоқда.

Расули Акрам соллаллоҳу алайҳи васаллам ўз қучоқларида набиралари Ҳусайн розияллоҳу анҳуни олиб ўтирас эдилар.

«Бас, у Расулуллоҳ соллаллоҳу алайҳи васалламнинг устиларига бавл қилиб юборди».

Яъни, кичик Ҳусайн бобоси Расулуллоҳ соллаллоҳу алайҳи васалламнинг қучоқларида туриб, у зотнинг устиларига бавл қилиб юборди.

«Мен: «Бирор кийим кийиб, менга изорингизни беринг, ювиб берай», дедим».

Лубоба бинти Ҳорис розияллоху анҳонинг бу гапларидан у кишининг Расули Акрам соллаллоҳу алайҳи васалламга бўлган олий даражадаги хурматлари кўриниб турибди. Изор – тананинг пастки тарафига кийиладиган кийимдир. Лубоба бинти Ҳорис розияллоху анҳо пешоб нажаслигидан Пайғамбар соллаллоҳу алайҳи васалламнинг Ҳусайн розияллоҳу анҳунинг пешоби теккан кийимлари – изорларини ювиш лозим бўлди, деб тушунган эдилар. Аммо Расулуллоҳ соллаллоҳу алайҳи васаллам Лубоба розияллоху анҳонинг тахминлари нотўғри эканлигини баён қилдилар.

У зот соллаллоҳу алайҳи васаллам:

«Қиз боланинг пешобигина ювилади, ўғил боланинг пешобига (сув) сепилса бўлди», дедилар.

Бу фарқнинг сабабини уламолар қуидагича изоҳлайдилар:

Ўғил ва қиз болаларнинг жисмоний тузилишларидағи фарқлар туфайли уларнинг пешоблари ҳам фарқли бўлади. Масалан, пешоб чиқариш аъзоларидағи фарқ туфайли ўғил боланинг пешоби сиқилиб чиқади, қиз боланини эса ундан бўлмайди.

Қиз боланинг пешоби қуюқроқ бўлиб, кийимга тегса, ювмаса кетмайдиган даражада ўрнашиб қолади. Ўғил болаларнинг пешоби эса суюқроқ бўлиб, устидан сув қуийлса, батамом ювилиб кетади.

«Ҳадис ва ҳаёт» китоби асосида тайёрланди